

玄覽堂叢書三集

第二十五冊

玄覽堂叢書三編

卷二十一

平粵錄序

夫平粵何錄也十山談公以平粵功受上賞故錄之夫以勞定國人臣事君之義爾而又何錄焉君子曰批亢擣虛形格勢禁共武之難也百里孟明之賢猶僂辱於二陵之劍會寧之師以全取勝蓋遐邇提福而垂休烈於無窮矣先王爵賞以待有功固未嘗有遲留顧惜之意然雖弓矢細物必寶藏之不輕以畀人迺賞延胤嗣以對答可紀之功視先王之世爲尤盛矣迨寇讎午垂百年魚肉其疆里頃驕恣至犯忌諱公不老師徒俘馘五千四

百有奇僚夷鳥舉逃匿去其區矣大都夷性善於
徂伺每偵中國之政以爲動息其出沒變幻類中
國之人爲之先道公心煩於慮身親其勞一切莫
府文書籍事務隱約雖鳥獲之力慶忌之捷不得
用彼已將率顧能之特錄之以尊公也禮君子受
君一爵其色洒如榮君賜也夫一爵之賜且榮矣
校公之受上賞殆若鈞錙然特錄之以尊

君也土酋散居谿谷利則進不利則退公席中國廣
大氣奮人主因以決策遂便利在中國特錄之尊
中國也君子謂是錄也可以示義可以明禮可以

制戎而其指授方略攻守次第文武勞勩具載報
命既訖登諸薦紳先生之所叙述歌頌者云

嘉靖丁巳歲仲秋月吉廣西按察司提學司副使
禮科給事中鄉後學殷正茂頓首謹書

平粵錄

剿平久反稔惡劇賊查覈功罪疏

題為剿平久反稔惡劇賊查覈功罪以昭勸懲事
據廣東按察司整飭兵備兼分巡海南道監督
嶺南哨副使俞維屏分守廣東高肇韶廣等處
地方統督嶺南哨左叅將鍾坤秀廣東都司軍
政僉書總領提調嶺南哨署都指揮僉事王麟
會呈奉臣劄付為乞剿平久反稔惡劇賊急救民
命以靖地方事依奉該前監督副使畢竟容公
同統督左叅將鍾坤秀總領提調署都指揮僉

事王麟將調到領哨指揮馬鎮武尚文馬文震
張啓元及中軍策應指揮余金各部領漢達官
軍目兵打手照依分定哨道監統總領及委指
揮千百戶等官部領兵船并調集鄉夫打手把
截各處海口徑路仍行委官南雄府同知包燿
欽州判官李譙督率各該官兵把截各職照依
剋定嘉靖三十五年正月二十六日未時一齊
抵巢都指揮王麟躬督馬鎮武尚文馬文震三
哨官兵進剿黃沙坑茅舍半徑等寨各賊於險
隘徑路豎立排柵開掘濠塹各執器械吹角為

號結陣迎敵連戰三四合衆兵奮勇直衝其中
指揮馬文震哨攻破半徑等寨目兵黃良首先
陷陣斬獲大賊首雷守已首級一顆被賊標傷
左腿各兵奮戰當陣斬獲賊級二十九顆被傷
目兵四名指揮馬鎮哨攻破黃沙坑等寨斬獲
賊級三十五顆陣亡目兵民壯十名被傷軍兵
三十六名指揮武尚文哨攻破上下茅舍等寨
斬獲賊級二十顆陣亡目兵二名被傷目兵十
名左叅將鍾坤秀督張啓元哨官兵進剿平山
黃坭型等寨各賊預奔原巢般併關村古餘大

寨當日在山止斬探望官兵賊徒十顆生擒賊
人一名當統官兵分為三路直擣關村至彼果
見衆賊夥聚鵠鷹嶺結巢掘斬懸木壘石以待
望見兵至鳴鑼吶喊呼衆拒敵我兵四面進攻
首先斬獲有名案賊譚宅一顆賊勢少却官兵
乘勢攻上斬級七十二顆生擒從賊一名陣亡
目兵九名被傷目兵七十名各賊敗散奔逃同
知包燿判官李譙督率把截營選各兵及守把
海港官兵生擒賊首譚二弁從賊共六十四名
斬級十七顆二月初二日緝探得黃沙坑等寨

賊徒逃入大坑箐山黃坭型老巢又該都指揮
王麟督本營策應兵衆進牛扼型左山衝賊之
前武尚文哨兵進指揮嶺遏賊之後馬鎮哨兵
進小茶型擊賊之左馬文震哨兵進牛扼型敵
賊之右期於本月初三日會合攻打武尚文哨
斬獲賊目林文祥一顆賊從一顆賊奔入本山
深巢三哨官兵同力進攻各賊兇擁交戰至午
馬鎮哨官兵乘風發射火箭賊始驚退追斬偽
稱飛虎將軍大賊首伍廷章一顆從賊十四顆
武尚文哨官兵斬獲偽稱督兵旗牌大賊首林

宗興一顆及大賊首湯國器即湯蚤家林本道
湯文盛等首從賊級一百三十七顆生擒三名
陣亡目兵七名被傷目兵八十八名指揮馬文
震哨官兵斬獲偽稱承天霸王大賊首許以明
并偽稱行兵指揮大賊首白德元各一顆從賊
三十八顆陣亡目兵十一名被傷目兵二十九
名本營策應軍兵斬級十七顆生擒從賊二十
四名本月初四日緝報關村鷓鴣嶺賊徒遯劄
黑囊大山復聚奔入邯鄲後山險巢張啓元哨
官兵追圍設奇攻進復與大戰斬獲大賊首關

十五即開德勝狗頭風即馮三寶二顆武尚文
哨官兵斬獲大賊首許惟昌一顆統督叅將鍾
坤秀躬殺案賊張永住一名各兵斬獲賊級共
一百五十四顆生擒賊徒十一名陣亡目兵二
名被傷目兵四十八名各賊心破膽落漫遯燕
斗古兜磨心猛虎跳牆雷公嶺等大山同知包
耀判官李譙督率各把截官兵生擒賊首陳澤
梁錦青蛇鄧飛龍弁從賊共六十三名斬級三
十顆各哨官兵連日窮搜馬鎮哨追斬大賊首
偽稱破陣將軍駱敘一顆從賊三十五顆生擒

賊從三十名武尚文哨斬獲賊級六十顆馬文
震哨擒獲大賊首偽稱北峰侯一名黃允良并
賊從十九名斬級七十二顆張啓元哨擒獲賊
從六名斬級十一顆各寨賊徒捕獲殆盡計攻
破賊巢共二十八處擒斬首從賊人賊級共九
百八十七名顆解報間又奉軍門劄付復令職
等移兵進剿原題洛開苔村那西冬瓜冲上峒
雞頭大塘形峒石徑橫山等寨賊徒各職遵照
劄內方略將各官兵分為五小哨剋定本月二
十三日辰時抵巢一哨指揮馬鎮部帶原領官

兵進攻懷寧苔村二寨各賊預入深巢結聚高
山我兵追躡遇賊接戰數合馬鎮向前射倒一
賊各賊敗退官兵乘勢攻克斬獲首級共三十
九顆生擒賊人二名被傷目兵五名指揮馬文
震部帶原領官兵進攻雞頭飯羅岡上峒三寨
首賊伍元兆賊目陳君祿糾聚從賊操挾強弓
利刃一齊鼓噪迎敵官兵奮勇攻打當陣斬獲
賊目陳君祿一顆首賊伍元兆一顆乘勝斬級
四十一顆生擒從賊一名陣亡目兵三名被傷
目兵八名指揮武尚文部帶原領官兵進攻橫

峒大塘形峒象欄陂頭兩坑五寨各賊恃險禦
敵官兵振忿攻破巢寨當陣斬級四十七顆生
擒二名陣亡目兵十二名被傷目兵三十九名
指揮張啓元部帶原領官兵一半續委指揮孫
敏分領一半協攻張邊冬瓜沖那西楊沖三岡
井邊上橋旺邊小坑冷水坑桂水橫山頭水西
何木冲高村等十四寨賊衆强悍夥聚那西大
巢窺見兵至分投迎敵當督中軍指揮余金哨
官兵協同圍擊張啓元哨官兵奮前斬獲賊首
曾朝經一顆賊勢挫衄衆兵乘勝斬級四顆孫

敏哨兵斬級五顆各賊且戰且退我兵四合攻
上那西山頂本山險峻徑踞僅容一人官兵攀
援挨登賊從巔崖發石滾木目兵被傷奮敵自
辰至酉天色漸黑叅將鍾坤秀設法挑選死士
二十餘名分枝別進襲開排闥張啓元哨斬級
十二顆陣亡目兵二名被傷目兵五十一名孫
敏哨斬級一十顆陣亡目兵一名被傷目兵五
十三名余金哨斬級三顆餘賊勢敗奔入大山
連日發兵追捕間本月二十七日監督副使畢
竟容考察解任就奉軍門行委副使俞維屏接

管監督申嚴彌令督發張啓元孫敏二哨官兵
黏踪深入直至百峰山探得一宗潛往水南寨
藏躲四布埋伏以遏官兵又催督各哨并中軍
官兵及暫調嶺西哨指揮王煦部領鎮安目兵
夾剿并催同知包燿判官李譙督率各營逐官
兵嚴加把截有中軍哨余金官軍及鄉兵四路
搜捕裝伏生擒偽稱都堂大賊首曾黃狗及從
賊二十二名斬獲大賊首林蝦案賊李月灣從
賊級三十二顆并督把截哨守官兵生擒從賊
六名斬級五顆賈紹武官兵斬級八顆指揮王